



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/05-38-12553-63/20
Sarajevo, 15.06.2020. godine

SKUPŠTINA KANTONA SARAJEVO

-ovdje-

PREDMET: Odgovor na zastupničko pitanje, broj: 01-04-12553-63/20 od 22.05.2020. godine, i zastupničko pitanje, broj: 01-04-12553-61/20 od 22.05.2020. godine, *dostavlja se*

PITANJE: Zastupnik u Skupštini Kantona Sarajevo Samir Suljević, na 25. Radnoj sjednici Skupštine Kantona Sarajevo, održanoj dana 18.05.2020. godine, u okviru tačke Dnevnog reda „Poslanička pitanja, inicijative i odgovori“, postavio je dva zastupnička pitanja i to:

Prvo zastupničko pitanje:

- 1) Po kojem zakonskom osnovu i na bazi kojih parametara i kriterija je moguće da se Stomatološkom fakultetu u rebalansu budžeta na ekonomskom kodu „Bruto plaće i naknade plaća“ doznava sredstva iz tri različita izvora: a) Izvor 10-sredstva Budžeta Kantona Sarajevo u iznosu od 3.690,000 KM, b) Izvora 20-vlastiti prihodi Stomatološkog fakulteta u iznosu od 2.905,754 KM i c) Izvora 50 Transferi u iznosu od 2.587,057 KM, što znači ukupno 9.182,811 KM)?
Napomena: svi ostali fakulteti primaju plaću samo iz Izvora 10 budžetskih sredstava. Da li se ovdje radi o posebno privilegovanom fakultetu?
- 2) Na osnovu kojeg zakonskog propisa ili drugog akta je dozvoljeno vršiti isplatu plata iz sredstava doznanih kao transfer iz Zavoda zdravstvenog osiguranja, ako se zna da nastavno osoblje Stomatološkog fakulteta u okviru 40-satne radne sedmice ima puno nastavno opterećenje i da za taj radni angažman već prima punu plaću iz sredstava Budžeta Kantona Sarajevo iz Izvora 10?
- 3) Koliko finansijskih sredstava ste planirali za plaćanje rada preko nastavne norme akademskom osoblju u usvojenom rebalansu budžeta, u skladu sa članom 10. stav (2) Kolektivnog ugovora 42/18?
- 4) Zašto se Ekonomskom fakultetu, kome su se rebalansom budžeta neznatno umanjila sredstva za isplatu plaća, doznajuje 375.000,00 KM za otplatu kredita za koje se fakultet zadužio kako bi isplatili honorare svojim zaposlenicima?



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



- 5) Da li je istina da su fakultetima i naučnim institutima uzeta značajna sredstva u rebalansu budžeta KS koja su dobili po Javnom pozivu MONKS-a za finansiranje naučnog rada u 2019. godini, a koja ni u kojem slučaju kao namjenska sredstva nisu mogla biti preusmjeravana niti umanjena u odnosu na odobrena sredstva?
- 6) U programu rada Skupštine KS za 2020. godinu je definirano da će se u mjesecu maju na sjednici Skupštine KS razmatrati Nacrt zakona o visokom obrazovanju i Nacrt zakona o izmjenama i dopunama Zakona o naučnoistraživačkoj djelatnosti. Zbog čega danas nemamo na dnevnom redu ove tačke i zbog čega nam nisu dostavljeni materijali vezano za njih, odnosno kada će pomenuti zakoni konačno biti dostavljeni Skupštini na razmatranje? Podsjećam da je Skupština KS još prošle godine obavezala MONKS da u roku od 6 mjeseci pokrene proceduru usvajanja novih ili izmjene postojećih zakona na svim nivoima obrazovanja. Zanima me šta su Vlada i MONKS preduzeli da se ispoštuju zaduženja koja im je dala Skupština?
- 7) Zamolio bih da mi se dostavi ispis plaća isplaćenih u toku 2019. godine za nastavnike Stomatološkog i Medicinskog fakulteta koja su obuhvaćena istovremeno iz Izvora 10, 20 i 50, sa uključenim funkcionalnim dodacima rukovodnih organa tih fakulteta.

Drugo zastupničko pitanje:

Da li imate informaciju, zašto Institut za sudsku medicinu Medicinskog fakulteta u Sarajevu nije postupio u skladu sa naredbom Tužilaštva KS da se izvrši obdukcija preminule Advije Kanlić? Naime, danas je 55-ti dan od kada je preminula Advija i njena djeca nemaju nikakve odgovore, osim da se odbija izvršiti obdukcija, jer nemaju adekvatnu opremu?

ODGOVOR:

Određeni upiti iz prvog zastupničkog pitanja (3, 4, 5 i 7) zahtijevaju zajednički odgovor Ministarstva za obrazovanje, nauku i mlade i Ministarstva finansija te smo zatražili izjašnjenje/odgovor i Ministarstva finansija.

Zastupničko pitanje u vezi sa Institutom za sudsku medicinu Medicinskog fakulteta smo također prosljedili Medicinskom fakultetu Univerziteta u Sarajevu na izjašnjenje.

Shodno naprijed navedenom, konačan odgovor na određena zastupnička pitanja će biti dostavljen nakon što ovom ministarstvu budu dostavljeni odgovori/izjašnjenja Ministarstva finansija i Medicinskog fakulteta Univerziteta u Sarajevu.

Fakulteti/akademije/instituti Univerziteta u Sarajevu se finansiraju iz Budžeta Kantona Sarajevo, donacija, projekata, transfera i namjenskih sredstava.

Kada je riječ o Stomatološkom fakultetu sa klinikama izvori finansiranja su: budžetska sredstva, vlastiti prihodi i transferi. Budžetska sredstva se ovom fakultetu doznačavaju po osnovu Kolektivnog ugovora za djelatnost visokog obrazovanja i nauke na Univerzitetu u Sarajevu (za odvijanje nastavnog procesa). Vlastite prihode Stomatološki fakultet sa klinikama ostvaruje najvećim dijelom od obavljanja zdravstvene djelatnosti. Sredstva iz transfera se odnose na tranšu Zavoda zdravstvenog osiguranja Kantona Sarajevo, a ista se Stomatološkom fakultetu sa klinikama doznačava na osnovu ugovora potpisanog između Zavoda zdravstvenog osiguranja Kantona Sarajevo i Stomatološkog fakulteta sa klinikama, a za pružanje stomatoloških usluga osiguranicima Zavoda zdravstvenog osiguranja.



web: <http://mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128,

Fax: + 387 (0) 33 562-218

Sarajevo, Reisa Džemaludina Čauševića 1



Stomatološki fakultet sa klinikama obavlja dvije djelatnosti: obrazovnu i zdravstvenu. Nastavnom osoblju Stomatološkog fakulteta sa klinikama u potpisanim ugovorima o radu je definisano da obavljaju i obrazovnu i zdravstvenu djelatnost.

Način i obračun plaća zaposlenicima Stomatološkog fakulteta sa klinikama za obavljanje zdravstvene djelatnosti definisan je: Zaključkom Vlade Kantona Sarajevo, broj: 02-05-3888-13/19 od 21.02.2019. godine, Saglasnošću Ministarstva zdravstva Kantona Sarajevo, broj: 10-37-sl.1/19 od 15.02.2019. godine, i Saglasnošću Ministarstva zdravstva Kantona Sarajevo, broj: 10-30-2138/20 od 27.01.2020. godine. Isto je evidentirano i u Zapisniku sa sastanka predsjedavajućeg Skupštine Kantona Sarajevo, predstavnika Vlade Kantona Sarajevo, Ministarstva zdravstva, Ministarstva za obrazovanje, nauku i mlade, Stomatološkog fakulteta sa klinikama i Zavoda zdravstvenog osiguranja Kantona Sarajevo, a u vezi sa načinom i obračunom plaća (Zapisnik, broj: 01-3-1-92/19 od 15.02.2019. godine).

Ministarstvo za obrazovanje, nauku i mlade je u 2019. godini za programe nauke osiguralo sredstva u ukupnom iznosu od 2.800,000 KM. Dio sredstava je dobitnicima sredstava uplaćen u 2019. godini, a preostali dio prenesen u 2020. godinu. Razlog sukcesivne uplate sredstava nalazi se činjenici da Univerzitet u Sarajevu i njegove članice svoju djelatnost obavljaju kroz sistem trezora Kantona Sarajevo te da se sredstva isplaćuju shodno dinamici utroška sredstava po budžetskim godinama.

Od naprijed naznačenog iznosa 2.800,000 KM fakultetima/akademijama i naučnoistraživačkim institutima Univerziteta u Sarajevu u 2019. godini je doznačeno ukupno 626.650 KM.

Ostale relevantne informacije u vezi sa zastupničkim pitanjem, Ministarstvo za obrazovanje, nauku i mlade će dostaviti nakon što Ministarstvo finansija dostavi svoje izjašnjenje.

U vezi sa dijelom zastupničkog pitanja koji se odnosi na izradu i dostavljanje nacрта zakona, obavještavamo vas da je, zbog epidemiloške situacije i proglašenja prirodne i druge nesreće, povećan obim poslova u obrazovnim procesima koji su uslijedili nakon toga te je fokus Ministarstva u proteklom periodu bio na uspostavljanju online nastave na svim nivoima obrazovanja te osiguranju svih pretpostavki za uspješan završetak školske/studijske godine u tim uslovima.

Dodajemo da je rad Ministarstva u tom pogledu bio dodatno otežan zbog izdatih naredbi nadležnih organa, a prije svega zabrane okupljanja (što se direktno odrazilo i na eventualni rad komisija).

U narednom periodu, Ministarstvo će poduzeti i intenzivirati sve neophodne aktivnosti na izradi nacрта zakona navedenih u zastupničkom pitanju.

Na kraju, još jednom napominjemo da do održavanja sjednice Skupštine Kantona Sarajevo, Ministarstvo za obrazovanje, nauku i mlade nije zaprimilo odgovor Ministarstva finansija i Medicinskog fakulteta Univerziteta u Sarajevu na određena pitanja koja zahtijevaju zajednički odgovor te ćemo, po primitku traženih odgovora, iste odmah dostaviti kao dopunu ovom aktu.

S poštovanjem,

Dostaviti:

- Naslovu,
- Stručna služba Vlade Kantona Sarajevo,
- a/a.



MINISTAR

Mr. Anis Krivić



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

